

Federalno ministarstvo okoliša i turizma
n/r ministrica Branka Đurić
Alipašina 41
71 000 Sarajevo

Predmet: Zahtjev za pristup podacima

Poštovana Ministrice,

U petak, 14.11.2014, u prostorijama OSCE BiH u Sarajevu, uz podršku Ministarstva vanjskih poslova Češke Republike održana je radionica pod nazivom "PRTR registar u BiH - Kako pristup podacima o emisijama može smanjiti nivo industrijskog zagađenja?". Na radionici su učestvovali i predstavnici Vašeg ministarstva, Dragan Šulović i Suada Numić, koja je prisutnima prezentirala sadržaj i način funkcionisanja PRTR registra zagađenja u FBiH. Zaključak radionice je da bi taj registar trebao biti javno dostupan, na isti način kako je to praksa i u drugim zemljama:

- Češka Republika: <http://www.irz.cz/>
- Hrvatska: <http://roo-preglednik.azo.hr/>
- Rumunija: <http://prtr.anpm.ro/>
- Bugarska: http://pdbase.government.bg/forms/public_eprtr.jsp

Registar zagađenja u FBiH postoji, ali su podaci u njemu dostupni samo na zahtjev, što ograničava pristup javnosti, jer nije moguće znati koji podaci postoje u registru, tako da često javnost i ne zna koje podatke može tražiti. S obzirom da Vaše ministarstvo koristi i održava server i bazu podataka ovog registra, molimo Vas da omogućite javni pristup podacima koje u registar dostavljaju operateri. Za to je dovoljno uraditi sljedeće:

- kreirati korisnika na postojećoj bazi podataka, koji bi imao ograničen pristup (bez prava na izmjenu podataka)
- na početnoj stranici registra dodati izjavu da su za sve podatke odgovorni isključivo operateri, koji sami unose podatke, te da se za uočene nedostatke zainteresovani mogu obratiti nadležnim inspekcijama
- naznačiti da li su prikazani podaci verificirani od strane Hidrometeorološkog zavoda FBiH ili drugog ovlaštenog tijela ili nisu

Na taj način ćete omogućiti aktivnije učešće javnosti u disciplinovanju zagađivača, kao što je to već uradila Češka Republika. Šteta je održavati registar čija je dostupnost ograničena, jer smo svjesni limitiranih kapaciteta nadležnih institucija, a javnost bi na ovaj način mogla aktivnije učestvovati u zaštiti okoliša, kao što je to predviđeno i našim zakonima i Arhuskom konvencijom.

S poštovanjem,

U Zenici, 17.11.2014.

doc.dr. Samir Lemeš, predsjednik Udruženja "Eko forum" Zenica

